

Ebe ni iPo^{lu} o keke ghi egbo **iGalesha** **Eni e miesuo**

¹ Mhemhe iPo^{lu} aghiusomhi na keke ni o^a khi obo oyi egbo mhi te bhale, wekhi obo oyi ogbo a te ghie mhe, ama obo oyi iJesu iKirisiti ali Eshinegba Ita ni o rote eghuli guise oli le mhi te bhale, mhemhe mhi keke ebe ona.

² Mhemhe ali inyoghuo ni e miesuo nya ni e nu mhe la, anye ga tse igbaa nya eyi eni e mie iJesu iKirisiti suo ni e la eoli iGalesha nya.

³ Eshinegba itawa ali iJesu iKirisiti Onomhue oyawa e ka li okhale na e, e ri opfomhe na e.

⁴ Loli o ri egboli bhale shi iluasobo shi olamhe eyawa ni o ro pfa awa shi eke agbo okhola ali agbo ingmobe ni awa la ena abi o ghole Eshinegba oyawa ni o gbo khi ita awa.

⁵ Loli a ri ufumhi ya na ya ramhi ele na agboagbo. Atse.

Usomhi onete olese o^a ke la o

⁶ Abo e sha mhe khi a she gb^e kie oni o rote isomhelemhi oyi iKirisiti lu e, a mu egbe nyene e deba usomhi onete olese ni o khili oda,

⁷ ni o khia khi ea fe ga khi usomhi onete. O rokhase khi egbo eghuo e she pfi e lo omunu ali khi ee dua ni e mu usomhi onete oyi iKirisiti ukhomhi pfi kpoke

⁸ Ama ini otseku khi aanye, okekhi a^geni ni o rote iloghie tiemhile, o ya gue usomhi olese ye e ni o khi

ọda shi oni anye kpe gue ye e, a ze ni a rue ọli shi ọgbọ ni a she pfa ezo mu je ilimhi iriere.

⁹ Abi anye kpe ngme loli mhi gbo rieler ngme memena, khi ini ọgbọ ọ bhale ya gue usomhi onete olese ye e ni o khi ọda shi oni a miesuo, oni a pfa ezo mu ọ pfua agboagbo ọ khi!

¹⁰ Eri mhia nono ni egbọ e ba mie shi mhe ọ abi khi Eshinegba mhia nono ni ọ mie shi mhe ọ? Abi khi egbọ mhia nono ni mhi ri egbe mu? Ini o khia khi egbọ mhi kiele a nono ni mhi ri egbe mu lo, mhi aa kha khi aghiusomhi oyi iKirisiti.

Eshinegba ọ lu iPolu

¹¹ Mhia nono ni mhi gueye e inyoghuo-mhe khi usomhi onete ni mhi ro ọ tse abo ọa khi obo oyi ọgbọ o te bhale.

¹² Mhi aa rote obo oyi ọgbokhoghuo mie ọli, wekhi eri a sese mhe lue. Ime-alo mhi te mie ọli rote obo oyi iJesu iKirisiti.

¹³ Irari khi a she kpe suo mhe eko abi mhi ro la ugamhi oyi egbọ iJu, abi mhi li lolo roshaka e mu okholi vule shi ena igbaa oyi eni e mie iJesu iKirisiti suo oyi Eshinegba ọ. Mhi roshaka ini mhi yese imiesuo oyewe-a.*

¹⁴ Mhi fu shi oni ugamhi egbọ iJu dose ebubu egbọ ni anye la otu oghuo, ali mhi mholi omuegbe shi ishi eyi eni e bia mhe.†

¹⁵ Ama abi Eshinegba ni ọ rote eke ze mhe kee neni inyemhe ọ bia mhe, ni ọ lu mhe rote okhale oyoli. Egbe mu ọli khi

* **1:13** Li ze Ika 8.3; 22.4-5; 26.9-11 † **1:14** Li ze Ika 22.3

16 Ọ ri omiọli khasẹ mhe ni a bhale ya ẹ khi mhi ri ọli tsabọ ifuabọ ẹgbọ ijeta. Mhi aa vu ya mhila ọgbokhoghuo,‡

17 wẹkhi eri mhi je ẹoli iJerusalemu ya me eni e khi ighiusomhi na keẹ, neni ọ ze mhe, ama eri mhi je eke Arebia ali mhi tigbe nyene egbe jele ẹoli iDamasikosi.

18 Abi ikpe ese e ro dose se, mhi ro tigbe nga iJerusalemu ni mhemhe ali iPita anye lese egbe, mhi nu ọli la ogbele igbeshe. §

19 Mhi aa me aghiusomhi na keẹ ọlese se khi ijemhisi ni ọ khi inyoghuo Onomhue.

20 Mhia gueye ẹ ukpeloe Eshinegba khi emini mhi keke ẹ ghi ẹ ẹa khi ẹbhọli.

21 Elese, mhi je eke iSiria ali eke iSilisha.

22 Ọgbokhoghuo ọa la elemhi igbaa nya eyi eni e mie iJesu iKirisiti suo na eke iJudia ni ọ me mhe ukpeloe ghue.

23 Eko ni e lese suo khi: “Oni omose ni ọ kpe mu okhọli vule shi awa ọ, eri ọ ke tsabọ oni ungmehi irudunga oni ọ kpe dua ni lue yese-a.”

24 E kuẹghie Eshinegba itobọ oyemhe.

2

Ighiusomhi na ke e mie IPolu

1 Ikpe igbene e dose, mhi nga iJerusalemu. Utona, iBanabasi ọ deba mhe. Mhi li gbo rue iTatosi.*

2 Eri mhi nga obọ ni mhi ro ri imealo ni mhi me gbe akanya, ali ni mhi ro khasẹ we usomhi onete ni mhi ro ọ tse abọ ifuabọ ẹgbọ ijeta. Ama eri mhi

‡ 1:16 Li ze Ika 9.3-6; 22.6-10; 26.13-18 § 1:18 Li ze Ika 9.26-30

* 2:1 Li ze Ika 11.30; 15.2

bena rięę ona khaşę ęgbọ ni e khi eni ęę ralo, irari khi ulishi oo mu mhe ini ikanya ni mhi kpe gbe ghue ali ena ikpukhokho eyemhe e ya khi afue.

³ ITatosi ni o nu mhe kia, aa lie khi o mema shele-a, abi o tseku khi ongi iGiriki.

⁴ Eri ingme oshęę onana o lasele irari khi inyoghuo eghuo ena ęgboli e bena lo anye ifuabo, ni e ba me asha gano udi epfua ni iJesu iKirisiti o ro na anye, mu anye ighumha.

⁵ Ama anye ęa tigbe lama na we ukuku eghęęę ni a ro bhale ya e khi igesikia oyi oni usomhi onete o nu e kie la.

⁶ Egbọ eni e bino egbewe khi wewe e mu eloe, ęa mu mhe eloe, irari khi Eshinegba o a mhuę oni o kpe mhe ne, ali khi abi ogbọ li edato o a roli e gue ogbọ ezo. Eni egbọ eghogho ęa mhuę emini e ro ma mhe usomhi onete.†

⁷ Ama eri e me khi a she ri akanya itsabo usomhi onete ghi egbọ iJeta nga mhe obo, ezeze abi a li li ghie iPita ghi egbọ iJu.

⁸ Irari khi abi Eshinegba o li nu iPita e gbe akanya abi aghiusomhi na keę ni a ghie ghi egbọ iJu, igho o li nu mhe gbe abi aghiusomhi ni a ghie ghi egbọ iJeta.

⁹ IJemhisi ali iPita ali iJoni ni a leşę khi wewe e mu oni igbaa oyi eni e mie iJesu iKirisiti suo mhuę, e me khi Eshinegba o ri isomhopfa na ke na mhemhe ali iBanabasi, e ro lama na anye, anye ke tsabo oni usomhi onete oghuo ye egbọ iJeta. Wewe e tsabo ye egbọ iJu.

¹⁰ Emini e ngme khi anye ke kpaghie egbọ ni ęa mholi obo, igho mhi li roshęka rięę oli.

† 2:6 Li ze iDeut 10.17

IPolu o gueye iPita khi o a gue rieḷe

11 Abi iPita o ro bhale Atioki, mhi gueye oli gboo ghemhe ghe e khi o a gue kia, irari khi o lue.

12 Neni eḡbo ni iJemhisi o ghie usomhi, e bhale, iPita o kpe nu eḡbo iḶeta a le eminale kugbe, ama abi eni eḡbo e ro bhale, o ti je ukhokho na iḶeta egho, irari khi ulishi oyi eḡbo ni e lie khi oḡbo o mema sheḷe-a oo mu oli.

13 Eḡbo iJu eni e miesuo enekpole e li kuma oli o rieḷe ikokoalo, ya ramhi khi oni ikokoalo o li ri iBanabasi kuma we o.

14 Abi mhi ro me khi, e a rote ode igesikia abi oni usomhi onete o ngme, mhi la ukpeḷoe eni eḡbo lie iPita, “Oḡbo iJu u khi, ama wa ngeli abi oḡbo iḶeta. Elo o ze ni u ke ro nono ni i ri itoto mu eḡbo iḶeta ke rieḷe ighuighue eyi eḡbo iJu?”

15 “Eḡbo iJu a bia awa, awa aa khi eḡbo iḶeta ena olamhe,” abi a lu we.

16 Leḷe khi aa ya pfa na oḡbo irari khi o ri ushi a gbe akanya, ama itobo irudunga iJesu iKirisiti. Igho awa li li ri udu nga iJesu iKirisiti ni a ro pfa na awa. Oa khi itobo irushi-gbe akanya, irari khi oḡbokhoghuo oa la o ni a ya pfa na irari khi o doḷe ri ushi a gbe akanya.‡

17 “Abi awa lie dua ni awa khi eni a pfa na elemhi iKirisiti, eri o rokhase khi ena olamhe awa khi. Ogho khi eri iJesu o mu e ma olamhe? Iiye o, oa khi igho!”

18 Mhi kha rieḷe emini mhi guogh-o roko, eri mhi rokhase khi oḡbushia mhi khi.

‡ 2:16 Li ze *Iwolo 143.2; iRom 3.20,22*

19 Irari khi rōte ushi mhi te ghu pfa ushi, ni mhi doḅe la o na Eshineḡba.

20 A she li ta mḡe ma apfida abi a li ta iJesu ma apfida, ali khi aa ke khi mḡemḡe mhi ke la agḅo, ama iKirisiti o ke la agḅo oyemḡe. Agḅo ni mhi la elemhi idiegbe oyemḡe memena, irudunga Omi Eshineḡba mhi te la o, ni o nono ingme oyemḡe, ni o ghu-a, ni o ri agḅo oyoli na mḡe.

21 Mhi aa ri obḅo gbe isomhelemhi oyi Eshineḡba nyē, irari khi ini o khia khi itobḅo iri-ushi-gbe akanya oḡḅo rḅo pfuase lḅ, eghuli afue iKirisiti o ghu!”

3

Irudunga tse o khi ode imiepfuese

1 Ee eyeḡḡe eḡḅo iGalesha! Oghuo o ri ogbhḅo na e le? Ukpeloe oyee a la ri iJesu iKirisiti khase gboo khi eri a ta li ma apfida.

2 Mhia nono ni mhi rōte obḅo oyee lese emhi oghuo. Eri a mie Ayemḡe oyi Eshineḡba irari khi a ri ushi gbe akanya, abi khi irari khi a mie emini a suo suo?

3 Eeyeḡḡe a ghḅo khi? A kha ri Ayemḡe oyi Eshineḡba gba ekele se, a tigbe e dua ni a ri ekpabo oḡḅo gbe oni akanya pfo?

4 Eri a na lina me osoli shi afue? Ini afue a me osoli,

5 Ayemḡe oyi Eshineḡba ni o rḅo na e, ali ikanya oshabo ni o gbe iteva oyee, itobḅo khi a ri Ishi eyi iMosisi gbe akanya lḅ abi khi irari emini a mie ingme oyi iKirisiti suo, o ze ni o rḅo rieḡe ena?

6 A sa ingme oyi Aburaamu ghue, “Eri ọ mie Eshinegba suọ ni a rọ pfa na li khi ọ pfuase.”*

7 A lẹse ọli shọ, khi ẹgbọ ni e miesuọ, e khi imi Aburaamu.†

8 Ebe-no-pfuase o kpe ngme ọli shi eke khi Eshinegba ọ ya rọte irudunga oyi ẹgbọ iJeta pfa na we, ọ gue oni ungmehi ye Aburaamu ọọ li, “A ya rọte obọ oye khivose na ishishi ena ekagbo nya.”‡

9 Irarigho, eni e mhọli irudunga a ya khivose na abi a li khivose na Aburaamu, ikhi omose irudunga.

10 Egbọ nya ni e ri egbe da iri-ushi gbe akanya, a pfi unu na, irari khi a keke ọli khi, “Unu a pfi na ọgbọ ni ọa da ri emini a keke shi ebe ushi nya gbe akanya.”§

11 Mena, aa me ọgbokhoghuo ni a pfa na odalo Eshinegba irari khi ọ ri ushi gbe akanya, itobo khi, “Eni e pfuase, irudunga o re we ya la agbo.”*

12 Ode irudunga o kiọda shi ode ushi, ni ọọ, “Oni ọ da ri ushi gbe akanya, ushi ọ rọ ya la agbo.”†

13 Eri iKirisiti ọ pfa awa shi eke elemhi ipfiunu-a oyi ushi abi ọ li khi oni a pfi unu na irari oyawa, irari khi a keke ọli khi, “Unu a pfi na ọgbokpa ni a soli-a shi ọọra.”‡

14 Eri ọ pfa awa shi eke ni ikhivose eyi Aburaamu e ramhi ẹgbọ iJeta egbe, rọte iJesu iKirisiti, ni awa me ikhivose oyi ishobo Ayemhe-no-pfuase rọte irudunga.

Oni Ushi ali oni ishobo

* 3:6 Li ze *Igbae 15.6; iRom 4.3* † 3:7 Li ze *iRom 4.16* ‡ 3:8 Li ze *Igbae 12.3* § 3:10 Li ze *iDeut 27.26* * 3:11 Li ze *Abak 2.4* † 3:12 Li ze *iLev 18.5* ‡ 3:13 Li ze *iDeut 21.23*

15 Inyoghuo a ze mhe ri angeli elēkpa rue irokhokho. Ezeze abi ogbokhoghuo o a li dobe ya shishi o-a, wekhi eri o dobe ya ro ma ilamasho, ni Eshinegba o nu ogbo lama sho, ni o she gbola migha. Igho oni ingme onana o li.

16 Oni ishobo, Aburaamu ali omioli a shi oli na. Ebe-no-pfuase o a lie, “Ali imioli,” ni e khi ebubu egbo, ama, “Ali omie,” ni o khi ogbo oghuo, ni o khi iKirisiti. §

17 Emini mhi ri ona ngme khi, ushi ni a tigbe ro lasela abi ikpe egbhue uye ali uye ali igbe (430) e ro dose se, o a guoghoni ishobo ni Eshinegba o shi-a, ni a yele oni ekha-a.*

18 Ini oni ugu o migha shi ushi lo, o a kha ke migha nga ishobo, Ama rote isomhelemhi oyi Eshinegba o ro shi oni ishobo na Aburaamu. †

19 Elo o ze ni a ro ri ushi bhale? Eri a ri ushi bhale ni a ro rokhashe khi awa lamhe. Eri a roli shi eke ramhi egheghe ni omiomi Aburaamu ni a riele ishobo khe o ro ya bhale. Eshinegba o ri oni ushi na igeni tiemhile na iMosisi ni o la iteva ogbo ali Eshinegba.

20 Awa kha da ngme ingme omigha-na ogbo ne, o rokhashe khi egbo aava e mema lasela shi agho, Ama Eshinegba lolighuo o shi oni ishobo ona, Eshinegba oghuo, o khi.

Emini ushi o migha shi

21 Eri ushi o ke a zu ishobo oyi Eshinegba ode? Iiye o! Irari ini eri a ri ushi bhale ni o ri agbo ke

§ 3:16 Li ze Igbae 12.7 * 3:17 Li ze Okiali 12.40 † 3:18 Li ze iRom 4.14

na oḡbọ lọ, a kha ri irarighọ pfa na oḡbọkpa ini ọ ri ushi gbe akanya.

²² Ama Ebe-no-pfuasẹ o ngme ghọ khi ekpabọ olamhẹ o mhẹsẹ a na agbọ nya, ni a ba bhale ya ẹ khi emini a shobọ, ni a rọ ọ na oḡbọ rọte obọ oyi iJesu iKirisiti ni a rọli na ẹḡbọ ni e miesuọ.

²³ Neni oni irudunga o bhale, eri ushi o mu awa ighumha, o pfi awa okpẹ ramhi ni irudunga o rọ bhale.

²⁴ Eri a ri ushi na awa ni o sẹsẹ awa ode ramhi ni iKirisiti ọ rọ bhale, ni a rọte irudunga pfa na awa.

²⁵ Memena abi ẹghẹghẹ irudunga o rọ bhale, ushi ọa ke ẹ sẹsẹ awa ode.

Imi Eshinegba

²⁶ Ẹẹ nya, imi Eshinegba a khi rọte irudunga oyi iJesu iKirisiti.

²⁷ Irari khi ẹẹ nya ni a batazi elemhi iKirisiti, a she ri iKirisiti sọ.

²⁸ Ikhiọda ọa la ọ na oḡbọ iJu ali oḡbọ iJeta, wẹkhi ikhiọda o la oghumha, ali ọni ọa khi oghumha, wẹkhi ọmọse ali ọkpotso, irari khi ẹẹ nya, ọghuo a khi shi iJesu iKirisiti ọ.

²⁹ Ini a khi ọnayi iKirisiti, ẹghẹghẹ aghọ imi Abu-raamu a khi, a khi eni e mhọli okemhi shi oni ishobọ.‡

4

¹ Emini mhia ngme khi, ini ọni oni ugu o gọ lu ọ da kie khi ukuku ọmọ ne, ọa kiọda shi oghumha ọ, ama lọli ọ kie ya mhọli eni apfẹ nya.

‡ 3:29 Li zẹ iRom 4.13

² Eri ọ kiele ya la obọ oyi eni e ri ẹloe ẹ khu ọli, ali eni a ri eni ugu nga obọ ne, ya ramhi ẹghẹghẹ ni itali ọ shi shi eke, ni ọ rọ ya womhẹ ẹloe.

³ Ighọ o li khi shi awa egbe. Ighumha eyi iyemhẹ ni ẹ mhẹsẹ na agbọ nya, e mhẹsẹ ẹ na awa neni awa mhọli iwomhẹloe elemhi ayemhẹ.

⁴ Ama abi oni ẹghẹghẹ o rọ ramhi, Eshinẹgba ọ ghie omiọli ni ọkpotsọ ọ bia, ni a bia shi ẹghẹghẹ ushi,

⁵ ni ọ rọ tsumhi ẹgbọ ni ushi o mhẹsẹ ẹ na, ni awa tẹ eni a lu Imi Eshinẹgba.

⁶ Itobọ khi a khi imiọli, Eshinẹgba ọ rọ ghie Ayemhẹ oyi Omiọli bhale udu oyawa, Ayemhẹ ni ọ tsesẹ liẹ, “Itamhẹ, Itamhẹ.”

⁷ Itobọ ona, wa a ke khi oghumha ama omiọli, abi u ke rọ khi omiọli eghọ, Eshinẹgba ọ she rẹ mie oni ishobọ. *

Omuegbe ni iPolu ọ mhọli na ẹgbọ iGalesha

⁸ Ẹghẹghẹ ni o dọsẹ ni aa rọ kpe lẹsẹ Eshinẹgba, a khi ighumha eyi emini e khi ilitsa ni ẹa khi Eshinẹgba.

⁹ Ama memena ni a ke rọ lẹsẹ Eshinẹgba, ali abi Eshinẹgba ọ ke rọ lẹsẹ ẹ ena, elọ o zẹ khi a nono ni a nyenẹ egbe gbo deba iyemhẹ afuẹ ni ẹa mhue ekpabọ? Elọ o zẹ ni a rọ ọ nono ni e gbo mu ẹ ighumha utonuzi-eva?

¹⁰ A ri ẹloe ẹ shi ogbele na ke ali iki ali ẹghẹghẹ ali ikpe.

¹¹ Ulishi ọọ mu mhẹ irari khi o li mhẹ ẹloe abine khi eri mhi pfuse ẹghẹghẹ-a shi ẹ egbe shi afuẹ.

* **4:7** Li zẹ iRom 8.15-17

12 Mhia lema ẹ, inyoghuo a li abi mhi li, irari khi eri mhi li abi a li. Aa li mhe ingmobe.

13 A yelele, khi elemhi umha ze mhi la ni mhi ro tse abo usomhi onete ye ẹ odo-ode.

14 Abi o tseku khia khi ughuamhi oyemhe khi eri o li abi anasemhe na ẹ, aa ri ẹloe gbe mhe, aa kie mhe. Ochoghọ, eri a kpe abo mie mhe abine khi aḡeni Ẽshineḡba mhi khi, abi a kha li mie iJesu iKirisiti.

15 Elo o li oghẹle oyeḡ? Mhi doḡe ya pfi otsẹle khi ini o ze ya li lo khi a kha ga vuonyo ikpamhi alo eye ẹ na mhe.

16 Mhi she mele oḡe ẹ-a irari khi mhi gue igesikia ye ẹ?

17 Eḡbo ẹ nono ni e ti ẹ ma egbe, ama oḡa khia ode ni o ti o khi. Emini ẹ nono khi ni e re ẹ mele epfeḡe-a shi anye o, ni a khi eni e mholi omuegbe na we.

18 O ti ni oḡbo o mholi omuegbe ini o da khi eminete o mholi oḡi shi, ali ni o ke mholi oḡi eḡheḡhe kpa, oḡa khi ini mhi da leḡe la aḡo tḡe.

19 Imimhe, egbe ẹ to mhe shi ingme oyeḡ, abi okpotso ni oku oḡo to, ni a ro bhale ya ẹ khi a me iKirisiti agbo oyeḡ.

20 Abi a khe khi mhi nu ẹ la, ni mhi mu uruli oyemhe pfi, irari khi egbe e pfo mhe-a shi ingme oye ẹ!

Ega ali iSera

21 A gueye mhe ghue, ikhi eḡ ni a nono ni a khi eni ushi o mheḡe a na, a leḡe abi ushi o ngme?

22 Irari khi a keke ọli khi Aburaamu, ọ bia eniye emose aava, oghuo ọọ khi omi ọkpotso oghumha, ọnokpọle ọ khi omi ọgbọ.†

23 Omọ ni oghumha ọ bia na li, eri a bia li rọte ode na tse, ama oni egbegbi ọkpotso ọ bia, a bia li rọte ode ishobọ.

24 Eni ingme ena nya e mhọli emini e migha shi, irari khi ikpotso aava ena, ilama na egbe eva e khi. Ilama-negbe oghuo o khi ona ukhomhi ute iSinai, ọ bia eniye ni e ya khili ighumha. Lọli khi Ega.

25 Mena, Ega ọ migha shi ute iSinai na eke Arebia ni o khili ọli iJerusalemu, irari khi eri ọ nu imiọli khili ighumha.

26 Ama inyo awa ọ khi ọli iJerusalemu ni o la odane, omi ọgbọ ọ khi.

27 Irari khi a keke ọli, ẹ li:

“Ke ghele, yeye aga
ni ọa bia eniye,
ri oghẹle tsele leghe,
yeye ni oku ọa to ghue,
irari khi ọkpotso ni a kie,
ọ mhọli eniye ni e bu
dọse ọkpotso ni ọ mhọli ọdọ.”‡

28 Memena, inyo oghuo-mhe, eniye ishobọ a li khi ezeze abi Aziki ọ li khi omọ ishobọ.

29 Abi o kpẹ li oni eghẹghe, ni omọ ni a bia elemhi idiegbe, ọọ li mu okhọli vule shi omọ ni a ri ekpabo Ayemhe oyi Eshinegba bia ọ, ighọ o kie li memena.§

30 Ama se Ebe-no-pfuase o ngme? Ọọ, “Khu ọkpotso oghumha ali omiọli vu, irari khi omi

† 4:22 Li ze Igbae 16.15; 21.2 ‡ 4:27 Li ze Aza 54.1 § 4:29 Li ze Igbae 21.9

ọkpotoso oghumha ọa tigbe ya nu omi egbegbi ọkpotoso kemhi ugu.”*

³¹ Irarigho, inyoghuo, awa aa khi eniye eyi ọkpotoso oghumha ama eniye eyi ọkpotoso ni o khi omi ọgbọ.

5

Irueọle ni o la obọ oyi iKirisiti

¹ IKirisiti o she rue awa o le. Irarigho, a migha gbaa shi oni irueọle, a khi ke gbo zẹ ni a gbo ya nyenẹ ri egbe ẹ khi ighumha oyi ushi.

² A ghe i! Mhemhe iPolu, mhi gue ẹ ye ẹ khi, akanya ni iKirisiti o gbe ọa ke ya mhọli elele okhoghuo na ẹ, ini a ya shele-a.

³ Mhi gbo gue ẹ ye ọgbọ ni o da zẹ ni a shele ọli-a ne, o mema ya ri ushi nya gbe akanya.

⁴ Eẹ ni a dua ni a khi eni a pfa na rọte iri-ushi gbe akanya, aa ke mhọli obọ shi ikanya ni iKirisiti o gbe, a she de okhale oyọli-a.

⁵ Ama rọte irudunga awa te lolo migha a khe ipfuase ni awa ri udu nga rọte elemhi Ayemhe-nọ-pfuase.

⁶ Irari khi elemhi iJesu iKirisiti, oshẹle ali umha-shele-a ẹa mhuẹ eleli. Emini o mema mu egbe khi irudunga ni o mhọli inono.

⁷ A kpe gue ẹ kia. Oghuo o mu alo nyenẹ ni aa ke rọ o deba igesikia?

⁸ Oni o lina mu ẹ alo nyenẹ, ọa rọte obọ oyi iKirisiti oni o lu ẹ bhale.

* **4:30** Li zẹ Igbae 21.10

9 “Ogbọ ọbe ọtuoghuo ọ dobe ya yese egbo eni e bu-a. Eri ọ li abi umiesobọ oghuo, ni o ri oili ẹ gbolo enekpọle-a.”*

10 Ama mhi regbenga ẹ khi eyi Onomhue a khi. Onana o re mhe lese gboo khi emini mhi gueye ẹ a ya rieḽe, khi aa ya rieḽe emini ogboese ọ gueye ẹ. Ogbọ ni ọọ nase ẹ, ọ ya ri ukhomhi kpe ọ, ọnini ọ rie khi.

11 Inyoghuo, ini ishele-a mhi kiele ro tse abo lo, abi egbo eghuo ee ngme, elo a mu okholi vule shi mhe ọ ke shi? Ini o khi igho lo, ungmehi apfida ọa kha ke ri elemhi ke bi.

12 Egbo ni e na ri ingme oshelẹ a nase ẹ ena, mhi kha ga liẹ e bie wali egbewe-a.

Agbo na elemhi Ayemhe

13 Ee oye, inyoghuo-mhe, eri a lu ẹ ni a la elemhi epfua. Ama a khi ze ni a ri oni epfua ona ke rieḽe emini idiegbe olamhe oye ọọ nono. Ochoghọ a ri inono ke ga egbe ẹ.

14 Irari khi emini a ro ze ushi nya ukhomhi khi, “Nono ọnuzava oye abi u li nono egbie.”†

15 Ini a mu okholi vule ẹ shi egbe ẹ ọ, ni a ro ọ khu egbe ẹ, a mhue egbhe ini a khi a ya pfuse egbe ẹ-a.

16 Emini mhia ngme khi, a ke kia okiali elemhi Ayemhe, eghẹghẹ agho aa ya rieḽe oghuemhe oyi idiegbe olamhe.

17 Irari khi idiegbe, ọbe Ayemhe o khi, ali khi emini Ayemhe ọ nono, eri ẹ zu oghuemhe idiegbe olamhe ode. Wewe ava-ava ọbe e khi shi egbe ọ,

* 5:9 Li ze 1 iKori 5.6 † 5:14 Li ze iLev 19.18

loli o ze khi u waa doḅe a riḗḗ emini u wa nono ni u riḗḗ.‡

¹⁸ Ama ini Ayemḗ ọ re ẹ kia, waa tigbe ya riḗḗ oghumha ọyi ushi.

¹⁹ Emini ikanya idiegbe olamḗ ẹẹ gbe na; Itseḅo, ikanya ichimhi na itseḅo ali angeli efiala,

²⁰ ikhumhi igaga, ali ogbḅo ipfipfi, ibiselemhi, umha lama a na egbe, ofuma ikpekpe, ofu imḅoli, ikanya ukphẹ, elemhi ibibi, ikemhi egbe,

²¹ Idegbe-okonyo, idonyo doḅe, iye-ukue ni a la li itseḅo, ali emhi elese eghoghḅo. Mhi tse agua ye ẹ, abi mhi kpe li tse ọli ye ẹ, khi ẹgbḅo ni e da a ngeli angeli eghoghḅo ne khi ẹa ya mḅoli okemhi shi Eghiele oyi Eshinḗgba.

²² Emini Ayemḗ ọ ro ọ lasele khi; Inono, oghẹḗ, opfomḗ, irabomudu, isomhelemhi, onete, ize-ri-egbeda,

²³ Ipfomḗ, igue-regbekia. Ushi ọa ya mu ogbḅo shi ọ ini ọ riḗḗ enana nya.

²⁴ Eni e khi eyi iJesu iKirisiti e she roḗe idiegbe olamḗ oyewe ali oghuemḗ eyewe nya ma apfida.

²⁵ Aborokhia khi Ayemḗ ọ ri awa a kia eghḅo, awa ke deba ẹṭe-awẹ eyoli.

²⁶ Awa khi ke mu egbawa ẹloe doḅe ode, yeṣe elemhi ke bi egbe, ni o ri awa a ke kpe ofuma deba egbe.

6

A ke riḗḗ onete na ẹgbḅo nya

¹ Inyoghwo-mḗ, a kha bhale ya ẹ khi a mu ogbokhoghuo shi olamḗ, ẹẹ ni a la elemhi ayemḗ,

‡ 5:17 Li ze iRom 7.15-23

a kuegbe-a sheshe ọli shi ode fiẹ. Ama a ke to egbe e okpe, ini a khi li de pfilo imufe.

² A kpaghie egbe e itsua, ini a li igho, a ya riefe oguemehe oyi iKirisiti.

³ Ini ogbo o dabi khi loli mu eloe, ni a ro bhale ya e khi o a khi emhikhoghuo, egboli o o di.

⁴ Ogbogbo o ke mu angeli eyoli fe ni o bino ini e ti. Oni eghẹghẹ, o tigbe me asha a titi egboli. O khi ri egboli khokho ogboese.

⁵ Ogbogbo o tsua itsua eyoli.

⁶ A ke ri eminete nya somhi ogbo ni o o sese e emini Eshinegba o ngme.

⁷ Khi di egbe e. Ogbokhoghuo o a dobe ya ghagha Eshinegba. Emini ogbo o ro ko, loli o ya khiese.

⁸ Ini ogbo o deba oguemehe oyi idiegbe olamhe oyoli ro ko o khiese epfua. Oni o ro ko ro ri egbe mu Ayemhe, o ya khiese agbo na agboagbo.

⁹ A khi ze ni onete iriefe o khuese awa, irari khi o kha ramhi oni eghẹghẹ, awa ya khiese, ini o a da lose awa.

¹⁰ Irarigho, abi awa da mholi oni eghẹghẹ kpa, awa ke riefe onete deba ogbokpa, tee-tee, ena omhue-apfe irudunga.

Itse-agua ni o kpukhokho

¹¹ A bino ikpamhi alo ebe eniemhi ni mhi ri obo oyemhe keke ghi e.

¹² Egbo ni ee riefe abamemhe, e dua ni e ri itoto ti e shi ishele-a, emini o ze ni e ro o li igho khi, e a nono ni a mu okholi vule shi we o shi osese oyi apfida oyi iKirisiti.

¹³ Egbegbi eni e sheḷe-a, ẹa ri ushi ẹ gbe akanya, ama ẹ nono ni a sheḷe ẹ-a, ni e ba mẹ asha ke neta ọmọse khi e re ẹ she sheḷe-a.

¹⁴ Ama mhi aa tigbe ri emhikhoghwo ya neta ọmọse, ini ọa li khi ingme oyi apfida oyi iJesu iKirisiti Ọnọmhue ọyawa. Itobọ oni apfida ona, mhi rọ ghu pfa ọghuemhe agbọ, ọghuemhe agbọ o ghu pfa agbọ oyemhe.

¹⁵ Ishẹle-a ali umha sheḷe-a ọa mhọli abi o ngme, emini o mu egbe khi, ni a rọ riẹle ọgbọ bia elemhi iKirisiti.

¹⁶ Opfomhe ali ilelemhi e ka nu eni e deba oseḷe onana la elemhi agbọ oyewe, li shi ẹgbọ iZireni eyi Eshinegba.

¹⁷ Ọzukhomhi emhikpa khi, ọgbokhoghwo ọ khi ke nase mhe, irari khi mhi mhọli emeli oyi iJesu shi egbe oyemhe.

¹⁸ Inyoghwo-mhe, okhale oyi iJesu iKirisiti Ọnọmhue ọyawa, ọ ka nu ayemhe oye ẹ nya la. Atse.

Ebe-No-Pfuase Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

03be06b0-68fd-500b-b9a9-6bca4b63979a